

ENNAAN EO AN ERIA

## Wanlōntak in Diktak in Epepen in

Elder Ian S. Ardern

Rikakpilōklōk eo Kein Karuo, Pacific Eria Būreejtōnji

Jet raan remootļok iaar bōk kūṅaaō ilo juon kāām an Rūmṅman Ded ilo Tonga. Iṅaan meja, ilo juon jibboṅin Bōļaide aiboojoj eaar jijeet liṅabukwi ro remṅantata an Irooj. Raar eeb, al, im kar ṁōṅōṅō ippān doon ilo ikkure ko im kar roṅjake katak ko rekōbbō-kakkak jān doon im ritōl ro aer. Ekar menin ṁōṅōṅō ṅan pād ippāer, ṅan eṅjake emṅan eo aer im ṅan jeļā bwe iṅaan meja ekar jjet jet ritōl ro ilju im jekļaj an Kabuṅ in, an jukjukinpād im pejnej.

Eaar kanooj ļap aṅ ṁōṅōṅō ippān armej ro remṅan kar kōmṅan jen ro Diktak in Epepen in jen likao ro im jiroṅ ro ilo Pacific in. Elōṅ iaer raar jerbali mijen ko, ṁare ilo tampeļ im jerbali ilo ward ko im branch ko ilo aolepān laļ ko ilo Pacific in. Jen joṅan tōprak kein, ej wōr wōt juon jerbali eļap ikōtaan ro rej niknik im rej ṁool ṅan bujen ko aer im ro rejjab im eṅin ej juon elewetak ṅan kōj aolep.

Pacific Eria Būreejtōnji eo ej kūr ṅan Diktak in Epepen in ṅan kōjparok jetōb eo aer make. Ejjeļok membōr in epepen in emaroṅ leļok eddo in ṅan bar juon. Kajjojo raikuj lukkuun lale lōmṁor eo aer ṅan naajdik jetōb ko aer make eo eaorōk ṅan kōmṅani im kōjparok bujen ko ṅan pād ilo ikkure ko. Juon eo rikaļoorāṅ Kraist enaaj bōk Rilōmṁor āinwōt iļlepen mour ko aer


ṅan kōmṅani men ko raorōktata. Jar kajjojo raan, riiti jeje ko rekwojarjar, pād ilo Jemenere im Institute, pād ilo Jar, bōk juon peba in mālim ṅan deļoṅe tampeļ eo, im kōkāal bujen ko im jerbali in jipaṅ ṅan doon rej jet iaan men ko raorōktata. Aaet, kajjojo membōr in Diktak in Epepen in reaikuj bōk eddo ṅan mour in jetōb eo aer make ṅan kōmṅani men ko raorōktata.

Ilo Kraist ej unjen mour ko ad ewōr emān eria ko me renaaj jipaṅ kōj dim im pen ṅan Gospel in emōj an kar jep-ļaahtok. Rej kobain juon kamṁoolol in aṅ membōr in Kabuṅ in. Iien eo jej jino jab ṁool kōn men eo eaorōk

jab kaorōke bujen ko ad ej ijjino. Kein karuo, jej aikuj keememej bwe ewōr juon an Anij karōk ṅan ro nejin ioon laļ in im eļaptata, jenaaj jepļaahtok im mour Ippān bar juon alen. Toon wōt ad meļeļe Karōk in Mōṅōṅō eo Eļap enaaj toon wōt an emṅan ad kade-deļok karōk eo. Kein kajilu, jej aikuj keememej bwe jerbali in mijenede ej kapen ad oktak ṅan Kraist im kōļapļok ad tōmak ilo E. Jej aolep aikuj lukkuun oktak ṅan jutak ṅae ṁoṅ ko an rikapo eo. Eo kein kemān eaorōk ej pojak in ṁare. Mare kōtaan juon emṅaan im juon kōrā ej ekkapit in Anij im ejjab aikuj in rūṁwij.



Elder Ian S. Ardern



*Pacific Eria Būreejtōnji eo ej kūr ṅan Diktak in Epepen in ṅan kōjparok jetōb eo aer make.*

Ejjeļok juon ekar lotaktok bwe en make iaan ilo mour in im bwe Anij eaar lale bwe ñe jumae ej waļok jipaņ ej itok. Diktak in Epepenin renaaj lo bwe jipaņ in ippān ro jinen im jemān remman, ritōl ro an priesthood im radik, im jipaņ an ro mōttaer ilo aer kwaļok joņok ko aer. Āinwōt aolep membōr, renaaj lo bwe jipaņ eo emmantata loe ej waļok ilo nee ko rej bukweļōlō ilo aer akweļap kōn jipaņ ñan anjō ioon inepata ko im kapo ko rej iooni. Renaaj eņjake, āinwōt kar ña, bwe imwe in tōl ko an Jetōb Kwojarar naaj kaenōmman er ilo iien ko reppen.

Itok limo in ñan jipaņ Diktak in Epepen, Elder Christofferson ekar kwaļok juon ennaan ejenōļok bwe “Emman ro rōrūtto—baba ro, ro ejjeļok pāleer, ritōl ro, rūkaki in loļok moko ro—ñan karbab ilo waanjoņak ñan jipaņ ļaddik ro Diktak in Epepen in erom emman ro. Katakina er ippān doon im kapāal ko jet: kwaļok wāween aer bōk koņaer ilo juon ekōnono, kwaļok wāween aer jeļā kajjieen doon im makūtūt ippān doon, kwaļok wāween aer ekkejjeļok ippān kōrā ro im leddik ro, wāween aer jermal, wāween aer bōk koņaer im laņlōn ilo ikkure, wāween aer pukōt ikkure ko ilo aer jab aņūrlep, wāween aer kajimwi bōd ko im kōmmani kālet ko remman. Emman ro rōrūtto ilo Pacific in, kōmij kajjitōk ippāmi ñan jerkak ñan kūr in jān juon rikanaan an Anij.

Eaar bar ba bwe juon “Kareel eo ekajoor ilo mour an juon kōrā jab maroņ lukkuun eņjake kajoor in

ak eļapļok an jermal ilowaan wōt mweo. Ejjeļok juon jikin emmanļok ñan kōkaajririiki Diktak in Epepen in jān manit eo an baamle, ijo baba im manja eo rej jermal ippān doon aenōmman ñan kake, katakin, im kōkkaajririik ajri ro nejier.” Ealikkar, juon LDS em eo ekajoor ej jikin jipaņ

#### PEIJ KO IJO JIKUM

## Rijilōk Elder Gary E. Stevenson ej loļok South Pacific

Jān Marianne Holman Prescott

### Vanuatu

An Kabuņ in jino pād ilo laļ en an Vanuatu enaņin 40 iio remootļok. Iien eo āliktata in an juon membōr in Būreejtōnji eo Kein Kajjuon im Douluul eo an Joņoulruo Rijilōk ro kar loļok ijeņ ekar ilo 2003, ke Būreejtōn Gordon B. Hinckley (1910–2008) eaar kōmmane juon kweilok ippān membōr ro. Rainin, laļ en ewōr juon stake im jilu district ko kōn enaņin 8,000 membōr ro an Kabuņ in.

“Ilo jok ļok eo, kar karuwaineneik kōm kōn juon manit eo ekabwilōnlōn, karuwainene eo ekobain juon kumi in kōjaņjaņ im eeb. . . . Ekar aiboojōj im emman ñan lo emman rein . . . elōn iaer raar ritōl ro an priesthood, kōmmane juon historical im ‘eeb in ritariņae ro.’”

eo eaorōk ñan Diktak in Epepen in.

Kōmij kūr aolep ro jinen im jemān im ritōl ro ñan lale bwe ñe jelmae jumae im kapo en ejjeļok Diktak in Epepen in en jako im bwe kwon kobaļok ippāer ñan dim im pen ñan bujen ko aer im ñan lomqoren ro mōttaer ro rej jabwābwe. ■

Ilo bar kweilok ippān membōr ro, mijenede ro im jodikdik ro ilo Vanuatu, Elder Stevenson eaar ioon ruo iaan ritōl ro an kien—His Excellency Tallis Obed Moses, būreejtōn eo an Republic eo an Vanuatu, im Hon, Charlot Salwai Tabimasma, prime minister eo an Vanuatu.



Elder Stevenson ej iakiakweik ro rekwojarjar ilo Vanuatu

Elder Stevenson eaar kamṃoolol ritōl rein bwe remaroñ kōtḷok an membōr ro kōjerbal tōmak eo aer.

Eaar ba, “eaar juon iien emṃan n̄an ioon ritōl ro an kien. Raar aolep jīmōr mōṅōṅō kōn membōr ro ad ilo Vanuatu im ad jipañ n̄an laḷ en aer.”

Ilo kweilok eo ippān Būreejtōn Obed, raar kōnono kōn eddo eo eorōk me ro jinen im jemen ewōr n̄an kōkajjiri im karūttoḷok ro nejier n̄an eromṃ citizen ro remṃan im ritōl ro ilju im jeklaj.

Būreejtōn Obed eaar ba, “kien eo emaroñ errā ilo jikin pepe eo n̄an an tōl ak kadikḷok jorrān ko ak kien ko reban kabōjrak an ḷapḷok jorrān ko ilo laḷ en. Kabuñ ko ewōr juon aer jerbal eorōk n̄an maroñ jipañ armej ro amṃ n̄an eromṃ armej in mijak Anij.”

Prime Minister Salwai eaar kwaḷok ruo pedped in tōmak eo me ej ejake pedped in jemne eo an Vanuatu: ṃanit ko raorōk im tōmak ilo Anij.

### Australia

Elder im Sister Stevenson raar joḷok jilu raan ko ṃokta ilo Adelaide, Australia. Ilo loḷok in ejenoḷok ekar kweilok ippān jodikdik ro ilo juon nokon in jota elōñ jān juon stake. Ekar kapilok im rōjañ er n̄an ṃōṅōṅō kōn kōjeraamṃan ko an juon bisop, mour lowaan gospel in im mour in jetōb ilo mour ko aer, n̄an keememej bwe Irooj enaaj jipañ er kōn “kein jipañ ko” n̄an tariṃae elōñ ṃoṅ ko an Setan.

Eaar ba “kein jipañ ko āinwōt riiti Bok in Mormon, ṃamṃa im baba ro, rikanaan ro, jar, pād ilo Jemenere,



*Elder Stevenson eaar joḷok jilu raan ṃokta ilo Adelaide, Australia.*

bok eo an Kokajoorḷok Jodikdik ro, im erreco n̄an kabwijer juon peba in mālim n̄an deḷōñe tampeḷ.”

Tōre in rekar pād ijin, eaar barāinwōt tōl im kōnono ilo juon nokon in jota an ro rūmṃan ded, kweilok an mijen, kweilok an ritōl priesthood ro im juon kweilok eo eḷap an stake ejenoḷok. Kōn wōt an ettoḷok n̄an jet mijenede im ritōl ro an priesthood n̄an kobotok, raar maroñ alooje ilo satellite.

### New Zealand

Ilo bōjrak eo an ekadu ilo Auckland, Elder Stevenson eaar loḷok Tampeḷ View complex eo ej kab ṃōj aje, barāinwōt Missionary Training Center eo ilo New Zealand.

Elder Stevenson eaar ba, “Eaar juon iaan kurup eo eḷap uwaer n̄an pād ilo New Zealand kōn joñan in 80 mijenede.” “Ekar menin bwilōñ n̄an loḷok Temple View im lo ṃoko kiiō me



*...Elder Stevenson ekar bar loḷok New Zealand ijo eaar kweilok ippān mijenede ro, ritōl ro im membōr ro.*

Büreejtōn Eyring eaar aji. Ke iaar jermal āinwōt Bisop eo Eutie j tōl, bisoprik eo eaar wōr aer eddo nān lōme im kalōk site kein, kōn menin eaar aiboojoj nān lo wāween an mōkein me kar mōkta Church College of New Zealand emōj ukoti nān juon jibadbad ekāāl. Juon iaan mōkein ej make wōt kar aje an Church History Museum ilkin Salt Lake City.”

### Tahiti

Eaar ba, “Kabuñ in ekajoor ilo Tahiti.” Kabuñ in elōñ lōk jān 25,000 membōr ro ilo ratimjuon stake im jilu district ko ilo French Polynesia.

Eaar ba, “Mijenede ro jinointata raar tōkeak lōk French Polynesia ilo 1843. Armej rañ ijeñ rejelā kōn Kabuñ in, im ej kabuñ eo kein karuo elap ilo laj en. Eļañne kwonaaj ito-itak ilo aolep laj en epād mōn jar ko ad jabdewōt jikin.”

Ilo loļok in an ejenoļok nān Tahiti ekoba juon mantin kemeem ijo 2,000 armej raar kōmman eeb im mōnā.

Elder Stevenson eaar bar ioon Archbisop Jean-Pierre Edmond Cottanceau, archbisop eo an Papeete, French Polynesia. Kweilok in eaar kamool juon “ippān doon in kamool” kōn jermal ko rej dedeļok ilo eria in jen kabuñ kein jimor.

“Eaar laudiñdiñ im mōñōñō, im kar kile elōñ jikin ko ñe ej itok nān kake aikuj ko nān rijeramōļ im riaikuj ro nān kwaļok mwiļ āinwōt Kraist” Elder Stevenson eaar ba ilo loļok eo an. “Kōmij errā ilo aorōk eo nān katakin armej ro nān kwaļok mwiļ ko raorōk im nān kile emman im nana.”

Āinwōt an laj ko ilo Pacific Eria oktak, rej ro uwaan eria büreejtōnji eo: Elder Haleck jān American Samoa, Elder Ardern jān New Zealand, im Elder Cordon jān Arizona. Elder Stevenson eaar kwaļok, “Rej bōktok juon kobain

kadkad im manit eo ej likwoj er ippān doon ilo juon wōt im manit ko an armej ro rej jermal ippaer. Eaar juon menin mōñōñō nān pād ippaer im lo jermal eo emman rej kōmmane ilo eria in eaiboojoj ilo lajin. ■



**LDS Charity eo eaar leļok jān in jipañ nān mwiin ekāāl eo ekoba jitōqb, aijbōqk, kein kōmat im kōbwebwein jikin kōmat.**

## Rijikuuļ ro Remaroñ Kōmat

### Jān Mormon Nuuj

Rijikuuļ ro jān College eo an Marshall Islands kiiō remaroñ kōmat ilo juon jikin kōmat ekāāl.

Kūlaaj in Nutrition 114 ilo College en rekijoñ kōmat ilo marine science laboratory eo ilo iiō ko ralitōk remootļok ak kiiō renaaj emakūtļok nān juon, jikin kōmat eo eobrak kōn kein kōmat.

LDS Charity eo eaar leļok jān in jipañ nān mwiin ekāāl eo ekoba jitōqb, aijbōqk, kein kōmat im kōbwebwein jikin kōmat.

“Kabuñ in ej aolep iien pukot wāween ko nān jipañ jukjukinpād en elaptata aikuj ko kōn ajmour,” Elder Craig Preston eaar ba, juon senior missionary ej jermal

ļok ippān kōrā eo pāleen Nancy Preston.

Eaar ba bwe lōmñak eo nān kōmmane juon jikin kōmat ejenoļok eaar juon menin jibadbad eo an Marshall Island Journal eo ekar kwaļok bwe kūlaaj in Nutrition eo ilo College aikuj jipañ āinwōt rej kōmat ilo juon laboratory.

LDS Charity eo eaar jibadōkļok ro tellokier ilo College eo nān leļok jipañ, im juon pepe nān jipañ kōn juon jikin kōmat ekāāl eaar bōk jikin.

Dr. Theresa Koroivulaono, büreejtōn eo an college eo, eaar kamoolol Kabuñ in kōn imōn kōmat eo ekāāl innām e im Sister Nancy Preston raar mwiit mōttan eo ilo iien kōjeraamman eo. ■

# Jukjukin pād ko Etal Mōkaj Aer Jerbal

Jān Mormon Nuuj

Jukjukin pād ko rej tariaŋaeik tōnal ilo jeļāļokjeŋ, oōn im kääjmourur.

Type 2 in tōnal ej ilōntata ilo Marshall Islands ilo laļ in. Juon bōnbōn in 28% in ro kajjojo ilōnin 15 iio ewōr aer type 2 tōnal. Nān ro rōrūtto ļok jān 35, ewōr joŋan in 50%.

Elōn armej rejjab jeļā ewōr aer tōnal mae iien naŋinmej in ej waļok.

Community Lifestyle Program eo (CLP) kobain ro rej itok jān Canvasback Wellness Center, Taiwan Health Center, LDS Charities, Ra eo an Jikin Ājmour im Kien eo an Majuro ilo aer ippān doon nān kōmḡmani kein kakōļkōļ ko

nān pukot ro ewōr ippāer naŋinmej in tōnal im high blood.

Jeļāļokjeŋ im etale repen nān lo im jipaŋ kōjparok wāween kein.

Kajjojo iien diwōļļok in kakōļkōļ ewōr jilu ak emān mḡweinaŋ me ekoba kakōļkōļ (blood pressure, blood sugar, aetok im eddo), juon iien kejjemourur, juon iien katakin im juon kūlaaj in kwaļok kilen kōmat.

Kakōļkōļ ko rej kōmḡman aolep emān wiik. Unin kōnono ko ilo kūlaaj in jeļāļokjeŋ in rej aolep

ejeplōklōk ilo wiik eo barāinwōt kilen kōmḡmani (recipe).

Kōnke niknik kōmḡmani ej juon jербal eaorōk ilo ājmour, etetal kääjmourur eaar kōmḡman jān doulul ko kar ejaaki im kar leļok juuj in etetal ko nān ro rej bōk kūŋaer etetal 15 raan ko kōn diktata jimettan awa.

Kiiō ewōr 10 doulul ko im tōp-rak ko maroŋ loi jen ro rej kōŋaan bōk ājmour. ■



Membōro an Majuro Walking Club

Jukjukinpād ko rej tariaŋaeik tōnal ilo jeļāļokjeŋ, oōn im kejjemourur.



KEIN JAPAN

# Lomogoren Mour ilo Kiribati

Jān Mormon Nuuj

VHF radio ko kar leḷok jān LDS Charity rej lomogoren mour ilo Kiribati.

Device kein renaaj ipañ jikin taktō im ambulance personnel ro ilo iaḷen leto-letak ennaan.

South Tarawa, Kiritbai, ewōr juon aujpitōl ilo Nawerewere im jiljino ambulance ko.

Ak kar mokta ḷok eaar ejjeḷok kein leto-letak ennaan kōtaan aujpitōl eo im ambulance ko. Aolep ambulance ko rej lolorjake aolepān South Tarawa im remaroñ ettōr eñoul minit one way ilo juon idiñ in kūr.

Jeḷā bwe elōñ mour ko maroñ ḷomogor kōn kein kapeeḷ ko rekāāl, LDS Charity eaar leḷok juon VHF Radio Base Station

ilo aujpitōl communications centre eo im VHF radio ko ilo ruumḷ in idiñ ko ilo aujpitōl im aolep ambulance ko.

Iaḷen leto-letak ennaan kōtaan aujpitōl im ambulance ko kōn radio ko rekāāl renaaj kōkmanman ḷok kōjparok rinañinmej ro im emaroñ ḷapḷok kōjparok mour.

Ambulance medical technician ro renaaj maroñ uwaaki kajjitōk ko an rinañinmej ro ilo ruumḷ in idiñ eo ilo aujpitōl jān ilo juon jorrāan innām maroñ bōk kapilōk im leḷok kein kōmadmōd ilo ijo ak jikin jerbāl.

Kōnke juon rinañinmej emaroñ in bōk kōmadmōd im maroñ bōk jipañ kōn kapilōk jān ruumḷ in idiñ eo, joḷok iien nān kōmadmōd ilo iien itaak tok ilo aujpitōl. Staff ro ilo ruumḷ in idiñ eo remaroñ pojak ilo iien itak tok eo an rinañinmej eo, kein kōmadmōd ko remaroñ pojak im mour eo me emaroñ kar jako an mour.

Aujpitōl communication centre eo enaaj maroñ kaju lo jikin ko ambulance ko remaroñ jab tōpari nān kōmman oktak eḷaññe rejorrāan eḷaññe kūr jen ruumḷ in idiñ eo ak communication centre eo. ■

## I IEN KO AN MIJENEDE

# Anij eaar letok nān eō An jouj nān kaenōmman aō inepata.

Jān Amandine Liard

Jet iien ejjab pidodo nān jerbale juon mijen, ak ewōr tokjān.

Ke iaar roḷtok jān mijen eo aō, iaar atbokwoj baamle eo aō ālkin 18 allōñ ko āinwōt juon mijenede. Ilo mijen eo aō, iaar lukkuun jeraamman bwe Jemedwōj Ilañ eaar epaake eō.

Ilo transfer ko aō ruo moktata, iaar inepata, meñe iaar jeḷā kajin French. Iaar jook in kōbōjrak an armej ro kōnono kōn Jisōs Kraist. Eo mōtta jinointata eaar jipañ eō kōn waanjoñok eo an.

Iaar aolep iien bōk juon Bok in Mormon ippa nān kwaḷok ennaan eo emman kōn Jepḷaaktok eo kōn Josep Smith.

Juon raan, iaar kōmmani ekkatak ko aō make kōn bōk juon mijen eo eaar

KEIN JIPAÑ



VHF radio ko kar leḷok jān LDS Charity rej lomogoren mour.

KEN JIPAN



*Sister Amandine  
Liard eaar jermal ilo  
France Paris Mijen*

letok ñan ña ñan ekkatak kōn jermal in mijenede. Iaar lo juon kajjitōk kōn Bok in Mormon. Ej ba, ewōr ke juon aṃ eñ-jake kōn Bok in Mormon? Kwomaroñ ke kwaḷok ñan eo mōttam?”

Iaar ḷōmṃak, “ejeḷok juon aō eñ-jake.” Iaar ḷōmṃak in jar ñan Jemed-wōj Ilañ ilo jemḷok in ḷok ekkatak eo aō, im kajjitōk eḷañne Bok in Mormon eaar mool (Moronai 10:4).

Iaar jab mōkaj in bōk juon uwaak. Iaar kajjitōk ippān Anij eja kajjitōk eo wōt kajjojo iien ij jar im iaar baj wōt ebbeer.

Ilo iien in, kōṃ ar katak ippān juon rikatak eo me eaar katak 30 iio ippān mijenede ro. Āinwōt mijenede, kōṃij aolep iien kajjitōk ippān Anij ñan jipañ kōṃ jeḷa ta jorrāan eo, im elmen aṃ maroñ jipañ rikatak

ro aṃ bōk juon naan in kaṃool.

Āliktata kōṃ ar karōk juon iien peptaij ak mōkta jen raan in peptaij eo an eaar kūr tok kōṃ im ba ke ejjab kōṃaan peptaij. Kōṃ ar ekaktak ippān im kōṃ kar karuwaineneik tok missionary couple ro ñan katak eo aṃ. Jibadbad eo aṃ eaar ñan jeḷa men ko me rej kabōjrak e bwe en jab ḷoor Jisōs Kraist.

Kōm ar kajjitōk elōn kajjitōk ko kōn Bok in Mormon, im kōm ar jeļā bwe ekar jab bōk juon naan in kaṃool bwe Anij eaar letok bar juon bok nān kaṃool kōn Jisōs Kraist.

Ilo katak in, iaar eņjake ilo būruwō me eaar jiroñ eō, “Ij aikuj kajjitōk ippān rikatak eo eļāñne kōm maroñ jar im kajjitōk eļāñne Bok in Mormon ej ṃool.” Ikar kōṅnaan kōjekdōon lōmṅak in kōnke eaar jab ļap peran ippān nān kōmṃmane ta eo Anij ekar kakien eō bwe in kōmṃmane.

Iaar keememej eoon eo ilo Katak im Bujen ko jekjen 9:8–9:

“Ak, lo, Ij ba nān eok, bwe kwōj aikuj ekkatak kake ilo lōmṅak eo am; innām kwōj aikuj kajjitōk Ippa eļāñne e jīmwe, im eļāñne e jīmwe Inaaj kōmṃman bwe en māāñāñ būruōm iloam; kōn menin, kwo naaj eņjake bwe e jīmwe.

Ak eļāñne ej jab jīmwe eban wōr am ejaake rot kein, ak enaaj wōr pok ilo am lōmṅak eo enaaj kōmṃman bwe kwōn meļokļok men eo ebōd; kōn menin, kwōj jab maroñ je men eo ekwōjarjar ijellōkun wōt lewōj e nān eok jān Eō.”

Iaar eņjake an jino māāñāñ būruō, iaar baj wōt etal jen ruum eo nān etal im idaak. Ijoke, Iaar kile bwe eņjake in eaar jipañ eō bwe in bōk eļap ļok peran nān kōppeļok loñiu nān kajjitōk ippān rikatak eo am eļāñne kōm maroñ jar iien eo wōt im kajjitōk ippān Anij eļāñne Bok in Mormon ej ṃool.

Mokta jen aō jar, Iaar jeļā bwe Bok in Mormon ej ṃool kōnke iaar eņjake

an būruwō māāñāñ, im āinwōt an eoon eo ba: “kwo naaj eņjake bwe e jīmwe”.

Ilo iien jar eo, eaar ļap aō jañ kōnke iaar lukkuun būromōj kōn pen in būruwōn rikatak eo am me ekōmṃman bwe en jab eņjake Jetōb. Ijoke, iaar kaṃmoolol kōnke Anij eaar uwake kajjitōk eo aō juon allōñ ṃokta ļok ilo kejojokļokjen kōn kajjitōk in, “ewōr ke eņjake kōn Bon in Mormon?” Āliktata eaar wōr juon aō naan in kaṃool kōn Bok in Mormon.

Ijjab jeļā ewōr jete Bok in Mormon ko ij leļok ilo aolepen mijen eo aō ak ij jeļā bwe bok in ekar ukōt mour eo aō. Mour eo aō make eaar oktak, ejjab ṃokta jen mijen eo aō ak ilo mijen eo aō. Iaar kile elmen aō maroñ kar jermal ippān Jetōb nān uwaake kajjitōk ko an armej.

Ij kaṃool bwe Bok in Mormon ej dilepen kabuñ in ad. Ijeļā Anij ej uwaaki kajjitōk ko ad. Emaroñ wōr An make kaļenta ak aolep iien ej uwaak. Jet iien, jej lōmṅak kōnke ewōr ad apañ, ej bwe Anij ejjab iakwe kōj. Ejjab ṃool. Ijeļā Anij ej letok nān kōj apañ ko, kōnke ejjab iakwe kōj, ak kōnke ejjab kōkṃmanṃanļok kōj āinwōt juon diamond kōnke jej lukkuun aorōk Ippān. Ej kōṅnaan bwe jen peran, jeļā-ļokjen, tiljek im bōk kajoor nān jumae kapo ko an Setan.


Ij jeļā jej pād ilo Kabuñ eo an Jisōs Kraist im ejjab kabuñ eo an armej. Anij ej juon Anij in kabwilōñlōñ ko. Ij kūr kōj kajjojo nān jar emakijkij nān Jemedwōj Ilañ im kajjitōk eļāñne

Bok in Mormon ej ṃool. Meñe emōj am jeļā ke emool, āinwōt Būreejtōn Henry B. Eyring eaar ba, “Iaar kajjitōk ippān Anij eļāñne Bok in Mormon ej ṃool, ejjab kōnke ejjeļok juon aō naan in kaṃool, ak kōnke ikōṅnaan eņjake ejja eņjake ko wōt kajjojo iien me ejjipañ eō eņjake iakwe eo an Anij”.

Bok in Mormon ej kaṃool iakwe eo an Anij nān ro nejnin. ■

*Amandine Liard kar jermal ilo France Paris Mijen jān Maaj 2016–Okwōj 2017. Ej pād ilo Toahotu ward, Tahiti.*

**ERIA WEBSITE KO**



The screenshot shows the Newsroom Pacific website interface. At the top, it says "ERIA WEBSITE KO". Below that, the website header includes "NEWSROOM PACIFIC" and "THE OFFICIAL, SECURED FOR ONLINE RELEASE OF THE CHURCH". The main content area is titled "TOP STORIES" and features a large article "New First Presidency Holds News Conference" with a photo of the three members. Below this are three smaller article thumbnails: "Joseph Smith", "Elder and Sister Uchtdorf Encourage Young Adults to Trust in God", and "A Special Invitation for Tuesday, January 16". A section titled "ADDITIONAL NEWS" is also visible at the bottom of the screenshot.

Newsroom – Australia:  
[www.mormonnewsroom.org.au](http://www.mormonnewsroom.org.au)

Newsroom – Pacific:  
[www.mormonnewsroom.org.nz](http://www.mormonnewsroom.org.nz)

Salle de Presse – Pacifique:  
[www.mormonmedia.org.pf](http://www.mormonmedia.org.pf)